

წინამდებარე ხელშეკრულება დაიდო 2017 წლის 20 აპრილს, ერთი მხრივ სსიპ „საქართველოს კულტურული მემკვიდრეობის დაცვის ეროვნული სააგენტო“ (შემდგომში „შემსყიდველი“) წარმოდგენილი მისი გენერალური დირექტორის მოვალეობის შემსრულებლის ნუგზარ ყიფიანის სახით და მეორეს მხრივ, შპს პროფ ჯგუფი (შემდგომში „მიმწოდებელი“) წარმოდგენილი მისი დირექტორის რევაზი კოსინენკოს სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე.

შემსყიდველმა ჩაატარა ერთეულოვანი გამარტივებული ელექტრონული ტენდერი (სატენდერო განცხადების ნომერი NAT170002991), კულტურული მემკვიდრეობის დაცვის ეროვნული სააგენტოს ვებ საიტის შექმნის მომსახურების შესყიდვაზე (CPV კოდი 72413000) რომელშიც გამარჯვებულად მიჩნეული იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს შესყიდვის ობიექტი შემდეგ თანხაზე: 10`800.00 (ათი ათას რვაასი) ლარი ყველა გადასახადის ჩათვლით დღგ-ს გარეშე (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის შემსყიდველს შესყიდვის ობიექტს სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი

2.1. შესყიდვის ობიექტია კულტურული მემკვიდრეობის დაცვის ეროვნული სააგენტოს ვებ საიტის შექმნა, რომელიც მოცემულია სატენდერო დოკუმენტაციაში, კერძოდ ტექნიკურ დავალებაში, შემდგომში თან დაერთვის ხელშეკრულებას და წარმოადგენს მის განუყოფელ ნაწილს (იხ.დანართი);

3. ხელშეკრულების შესრულების კონტროლი

- 3.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.
- 3.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა საშუალო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი.
- 3.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 3.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ „საქართველოს კულტურული მემკვიდრეობის დაცვის ეროვნული სააგენტო“ თანამშრომლები: თენგიზ ჩოლოყაშვილი - საინფორმაციო სისტემების სამსახურის მთავარი სპეციალისტი; ლაშა მაჩიტაძე - ადმინისტრაციული სამსახურის უფროსი სპეციალისტი; ნიკოლოზ ჯიბუტი - ბიუჯეტის დაგეგმვის, პროგრამის მართვისა და ღონისძიებების უზრუნველყოფის სამსახურის უფროსი სპეციალისტი; გიორგი მიქელაძე - საზოგადოებასთან ურთიერთობის სამსახურის სპეციალისტი.

4. შესყიდვის ობიექტის მიწოდების პირობები

- 1.1 შესყიდვის ობიექტის მიწოდება უნდა განხორციელდეს 2 (ორი) ეტაპად:
 - 1.1.1. პირველი ეტაპი - ვებ საიტის დიზაინის დამზადება - არაუგვიანეს 2017 წლის 01 მაისისა.
 - 1.1.2. მეორე ეტაპი - ვებ საიტის პროგრამული ნაწილის შექმნა - 2017 წლის 15 მაისისა.
- 1.2. მიწოდების ადგილია ქ. თბილისი, თაბუკაშვილის ქ. N5.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტ(ებ)ის გაფორმებით. შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ ხელშეკრულების 3.4 პუნქტში მითითებული პირები.

5.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

6. ანგარიშსწორების წესი

6.1 მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში სსიპ „საქართველოს კულტურული მემკვიდრეობის დაცვის ეროვნული სააგენტოს“ 2017 წლის სახსრებით (პროგრამა).

6.2 ანგარიშსწორება მოხდება შესყიდვის ობიექტის მიწოდებისა და აღნიშნულის თაობაზე მიღება-ჩაბარების აქტის გაფორმებიდან 30 (ოცდაათი) დღის განმავლობაში.

6.3. საავანსო ანგარიშსწორება არ გამოიყენება.

7. ფასი

7.1 მიმწოდებლის მიერ დაფიქსირებული საქონლის ფასი წარმოადგენს ხელშეკრულების ღირებულებით პარამეტრებს.

7.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

7.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გათვალისწინებული მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.4 ხელშეკრულების პირობების ნებისმიერი ცვლილება უნა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. მხარეთა პასუხისმგებლობა

9.1. ხელშეკრულებით ნაკისრი ვალდებულებების მთლიანად ან ნაწილობრივ შეუსრულებლობისათვის მიმწოდებელს დაეკისრება პირგასამტეხლო ხელშეკრულების საერთო ღირებულების ან შეუსრულებელი ნაწილის 10%-ის ოდენობით იმისდა მიხედვით მთლიანად არის ვალდებულია შეუსრულებელი თუ ნაწილობრივ.

9.2. ხელშეკრულებით ნაკისრი ვალდებულებების შესრულების ვადის გადაცილებისათვის დამრღვევ მხარეს დაეკისრება პირგასამტეხლოს გადახდა, ყოველ გადაგადაცილებულ დღეზე ხელშეკრულების ღირებულების 0.3%-ის ოდენობით.

9.3. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

9.4. მომსახურების გაწყვეტის დროს მიმწოდებლის ბრალეულობით შემსყიდველის ავტომატულად მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს.

9.5. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება.

9.6. საჯარიმო სანქციების გადახდა არ ათავისუფლებს მიმწოდებელს ნაკისრი ვალდებულებების შესრულებისგან.

10. ხელშეკრულების შეწყვეტა მისი პირობების შეუსრულებლობის გამო

10.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:

ა) თუ მიმწოდებელს ხელშეკრულებით გათვალისწინებულ ვადებში არ შეუძლია მიაწოდოს შესყიდვის ობიექტი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული სხვა რომელიმე ვალდებულება დაკავშირებული შესყიდვის ობიექტის ხარისხთან, რაოდენობასთან და ა.შ.

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის გაკოტრების შემთხვევაში;

ე) საქართველოს კანონმდებლობით გათვალისწინებულ სხვა შემთხვევებში.

11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდგმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწვევის ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

11.4. ფორს-მაჟორული გარემოებების 30 დღით გაგრძელების შემთხვევაში მხარეებს უფლება აქვთ შეწყვიტონ ხელშეკრულება.

12. სადაო საკითხების გადაწყვეტა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

14. შეტყობინების განხორციელება

14.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

14.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღიდან რომელი უფრო გვიან დადგება.

15. ხელშეკრულების მოქმედების ვადა

წინამდებარე ხელშეკრულება ძალაშია ხელმოწერის დღიდან და მოქმედებს 2017 წლის 31 დეკემბრის ჩათვლით.

16. დამატებითი პირობები

16.1. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.2. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

16.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

17. მხარეთა რეკვიზიტები:

შემსყიდველი

სსიპ „საქართველოს კულტურული მემკვიდრეობის
დაცვის ეროვნული სააგენტო“
მის: ქ. თბილისი, თაბუკაშვილის #5
სახელმწიფო ხაზინა
კოდი: TRESGE22
ა/ა # GE24NB0330100200165002
ს/კოდი: 204562311

გენერალური დირექტორის
მოვალეობის შემსრულებელი

ნუგზარ ყიფიანი



მიმწოდებელი

შპს პროფ ჯგუფი
მის: ქ. თბილისი, ყაზბეგის 25ა;
ელ-ფოსტა: rezokosinenko@yahoo.com
ს.ს. „თიბისი ბანკი“
კოდი: TBCBGE22
ა/ა # GE03TB7925936120100001
ს/კოდი: 401956291

დირექტორი

რევაზი კოსინენკო



კულტურული მემკვიდრეობის დაცვის ეროვნული სააგენტოს ვებ საიტის შექმნა
ტექნიკური დავალება

ვებ საიტი უნდა წარმოადგენდეს სააგენტოს საგზიზიზო ვებ გვერდს, რომელზეც დატანილი იქნება ინფორმაცია სააგენტოს და მის მიერ შესრულებულ/მიმდინარე პროექტებზე. ასევე მომხმარებელს ექნება შესაძლებლობა დარეგისტრირდეს საიტზე და მიიღოს მონაწილეობა კულტურული მემკვიდრეობის განვითარებაში.

ტექნიკური დავალება

ძირითადი მოთხოვნები:

1. საიტი უნდა იყოს 2 ენოვანი (ქართული, ინგლისური)
2. საიტი უნდა იყოს ადაპტირებული შშმ პირებისთვის, შეიცვალოს შრიფტის ზომა და ფერი (შენარჩუნდეს არსებული)
3. სიახლეების გამოწერის მოდული (მომხმარებელს უნდა შეეძლოს სიახლეების და პროექტების მიმდევრობის გამოწერა მეილზე)
4. მთავარ გვერდზე სლაიდერის მოდული
5. პარტნიორების ბანერების განთავსება
6. ფაილების ატვირთვის და ჩამოტვირთვის მოდული
7. ადმინისტრატორების 2 დონიანი სისტემა (უფლებების გადანაწილება)

გვერდების ჩამონათვალი

შენარჩუნდეს არსებული ფანჯრები

1. მთავარი გვერდი
2. ჩვენს შესახებ
 - 2.1. სააგენტოს შესახებ
 - 2.2. კლუბის შესახებ
 - 2.3. საქართველოს ძეგლების შესახებ
 - 2.4. მუზეუმების შესახებ
3. ფოტო/ვიდეო გალერეა
4. პროექტები (შესრულების თარიღი, დასახელება, ფოტოები, აღწერა, ღირებულება, მუზეუმის ან ძეგლის კოდი, რომელზეც მიმდინარეობს სამუშაო) - კოდის საშუალებით შესაძლებელი უნდა იყოს ლინკის დადება, რომ მომხმარებელმა შეძლოს დაათვალიეროს ობიექტი ერთიან გეოსაინფორმაციო პორტალზე.

☒ დაგეგმილი

☒ მიმდინარე

☒ დასრულებული

5. სიახლეები (ძირითადი ფოტო, დასახელება, თარიღი, აღწერა, ფოტოები/ვიდეოები)
6. საიტით სარგებლობის წესები
7. რეგისტრაცია/ავტორიზაცია
8. გამოკითხვა (მთავარ გვერდზე განთავსებული ბლოკი, რომელზეც მომხმარებელს შეუძლია აირჩიოს პრიორიტეტი თუ რა ძეგლზე სურს რომ სააგენტომ ჩაატაროს სამუშაოები, შემოსული თანხებიდან)
9. მომხმარებლის გვერდი

☒ პირადი ინფორმაციის ნახვა/რედაქტირება

☒ სიახლეების და პროექტების მიმდინარეობის მეილზე გამოწერა

☒ თავის მიმდინარე ანგარიშის გვერდი

☒ თანხის ჩარიცხვა

10. კონტაქტი

☒ საკონტაქტო ინფორმაცია

☒ შეკითხვის ფორმა (მიდის ადმინისტრატორის მეილზე)

ადმინისტრატორს უნდა ქონდეს შესაძლებლობა დაამატოს დამოუკიდებლად ახალი გვერდები, როგორც სტატიკური, ასევე დინამიური გვერდები.

დამატებითი მოდულები

1. გამოკითხვის მოდული იქნება განთავსებული მთავარ გვერდზე. ყველა დარეგისტრირებულ მომხმარებელს შეეძლება ხმის მიცემა დასმულ შეკითხვაზე, ხმის მიცემის შემდეგ ის დაინახავს სტატისტიკას. ხმის მიცემის ღილაკის დაჭერისას არავტორიზირებულ მომხმარებელს საიტი მოსთხოვს ავტორიზაციას ან რეგისტრაციას.

შენიშვნა: ერთ მომხმარებელს შეეძლება ხმის მიცემა დასმულ შეკითხვაზე ერთხელ, რომ არ მოხდეს ხმების ხელოვნურად გაზრდა.

ადმინისტრირების პანელში ადმინისტრატორს შეეძლება ამოიღოს მიმდინარე გამოკითხვის როგორც დეტალური, ასევე ჯამური სტატისტიკა, pdf ფორმატში.

2. ონლაინ გადახდა

საიტზე შესაძლებელი იქნება თანხის გადმორიცხვა ონლაინ რეჟიმში, ამისათვის გამოყენებული იქნება სააგენტოს მიერ შერჩეული ბანკის ანგარიში და ბანკის მიერ მოწოდებული სტანდარტული ვებ სერვისი. პროცესი: მომხმარებელი რეგისტრირდება ან გადის ავტორიზაციას კლუბის საიტზე, ირჩევს რაში უნდა გაიხარჯოს მის მიერ ჩარიცხული თანხა და უთითებს თანხის ოდენობას, რის შემდეგ საიტს გადაჰყავს ბანკის დაცულ გვერდზე, სადაც მომხმარებელი უთითებს თავის ბარათის მონაცემებს და ახორციელებს გადახდას. გადახდის შედეგად ჩვენ საიტს მოსდის დასტური განხორციელდა თუ არა გადახდა.

3. პარტნიორები - შესაძლებელი უნდა იყოს პარტნიორების ლოგოების დამატება/შეცვლა;

4. უნდა შეიქმნას ვებ სერვისი, რომლის დანიშნულებაც იქნება მონაცემების გაცვლა გეოსაინფორმაციო პორტალსა და სააგენტოს საიტს შორის. კულტურული მემკვიდრეობის გეოსაინფორმაციო პორტალი მუშაობს dot.net ტექნოლოგიებზე, ხოლო გეოსაინფორმაციო კომპლექსურ მონაცემთა ბაზა იყენებს MS Sql-ს.

5. გამოყენებული ტექნოლოგიები

PHP, HTML5, CSS, JS, jQuery, ajax

საიტის შექმნისას არ უნდა იქნას გამოყენებული მზა cms panel-ი, უნდა იქნას შექმნილი ინდივიდუალური, ტექნიკურ დავალებასა მოცემულ ჩამონათვალს მორგებული cms panel-ი.

არ უნდა იქნას გამოყენებული შაბლონური დიზაინი. დიზაინი უნდა იქნას შექმნილი სააგენტოს მოთხოვნების და რეკომენდაციების გათვალისწინებით.

მომსახურების გაწევის ვადები:

პირველი ეტაპი - ვებ საიტის დიზაინის დამზადება - არაუგვიანეს 2017 წლის 01 მაისისა;

მეორე ეტაპი - ვებ საიტის პროგრამული ნაწილის შექმნა - 2017 წლის 15 მაისისა.

მომწოდებელი ვალდებულია უზრუნველყოს 3 (სამი) თვე უფასო ტექნიკური მხარდაჭერა.

ფასების ცხრილი

#	შესყიდვის ობიექტის დასახელება	საერთო ღირებულება, დღგ-ს ჩათვლით, ლარებში	ეტაპის დასრულების ვადა
1	ვებ საიტის დიზაინის დამზადება	4000	20.04.2017
2	ვებ საიტის პროგრამული ნაწილის შექმნა	6 800	15.05.2017
	ჯამი	10 800	

პრეტენდენტის ხელმოწერა



შ.პ.

